



Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Gubernatore Deo
Distribvta**

Stengel, Georg

Ingolstadij, 1648

§. 5. Diuitiarum vanitas, ab exemplo Alarici Gothorum Ducis.

[urn:nbn:de:hbz:466:1-52359](https://nbn-resolving.de/urn:nbn:de:hbz:466:1-52359)

mines ante diluvium ex abundantia rerum
in otium; ex otio in luxum; ex luxu in la-
mentabilem illam totius mundi calamita-
tem inciderunt. In Brasilia barbari, quia
ob cæli clementiam nec vestitu indigent ad
frigora arcenda, nee aratro ad viçtū com-
parandum, sed omnia sponte prouenient;
idcirco omnibus flagitijs cooperti sunt, &
ritu bestiarum degunt. Nempe vbi maior
egestas, maior honestas; & abundantia re-
rum, inopia est virtutum. Caret ergo mul-
tis pedicis paupertas, quæ cum rerum afflu-
entia remouet materiam superbiæ, ac om-
nium vitiorum. Cristas igitur demittit di-
ues si seipsum rectè aspicit.

§. V.

*Diuitiarum vanitas, ab exemplo Alarici Go-
thorum Ducis.*

Paul. Di-
ac.lib. 13.
hist. mi-
scell. &
Baron.
An. 411.

Supercilium etiam ponere docetur, si ad
finem respicit, omnis enim pompa diuitia-
rum, uno temporis momento, cum vita
abit. Exemplum in Alarico Gothorum
Duce exhibit Paulus Diaconus. Is Alaricu-
pecuniarū copia inflatus magis, quam ple-
nus, totos se auri non aceruos, sed montes
possidere, omnem humanam opinionem
excedentes, glorianter admodum iactabat.

Vtque

Vtque cresceret tumor, iam spe quoque Siciliam deuorauerat; & sibi super hostium capita gradi videbatur. Sed subito in illo contigit, quod Propheta dixit: *Vidi impium Psal. 36.
superexaltatum, & eleuatum sicut cedros Libani, & transiui, & ecce non erat, & quesui eum, & non est inuentus locus eius.* Siquidem dum jam iam traiicere in Siciliam exercitū cogitaret, inciso consilio, frustra fuit. Quin etiam in Consentiae regione, subita morte inopinataque extinctus est. Nec satis fuit, opes amissae, amisit etiam sepulturæ honores, vtq; memoriam quoque sepulturæ non haberet, Gothi illico Basentium amnem à suo alueo, per alium tramitem, captiuorum labore, deflexerunt. Vbi aqua defecit, & desiccatus est alueus, Alaricum ibi cùm magnis opibus sepelierunt, rursusque flumen in aluem suum reuocarunt, vt terris pariter & aquis tegeretur. Ac ne memoria illius villa extaret, aut sciri ex quoquam posset, vbi vel ossa, vel opes illius essent, captiuos omnes, qui auertendo flumini interfuerunt, & locum tumuli cognitum habuerunt è medio sustulere. Ita qui *superexaltatus & eleuatus erat, sicut cedri Libani, in transitu esse desit, & non est inuentus locus eius,*

¶ 3

cui

cui locus antè ædificatus fuerat palarium magnificum , cui spectacula & cœnacula erigebantur sumtuosa, jam nusquam apparet ; neque tumulus eius apparet, quin & thesauri ipsi cum funere euanuerunt. Si speramus æterna, cur tantopere quærimus peritura ?

Manil.
lib. 4.
Astron.

Vt veniant gemma, totus transbitur orbis:

*Nec lapidum pretio pelagus cepisse pigebit
Annua solliciti consumunt vota coloni,
Et quanta mercedis erunt fallacia rura,
Quaremus lucrum nauis, mortemq; si-
quemur*

*In predas, pudeat tanto bona velle cadu-
ca.*

S. VI.

*Auaritiæ sordes & insatiabilitas , ab exempli
Mida, Vespasiani, Mich. Paphlagonis, Iu-
stiniani.*

Auaritiam quis monstrum esse neget
eadem & mater est, & filia diuitiarum ; pa-
rit enim illas, & paritur ab illis. Quia cum
pecunia, vt dictum est, crescit cupiditas pe-
cuniarum : & inde etiam illiberalitas ; vi-
xæpe nemo magis parcus, tenax, retractus &
Ethic. c. i. restrictus sit (qui omnes in dando deficiunt
quam

Aristot.
lib. 4.
Ethic. c. i.